

সার্বভৌম সমাচার

স্থানীয় নির্ভিক সাপ্তাহিক সংবাদপত্র

জন বিস্ফোরণের কবলে অধুনা ভারতবর্ষ

আজ অদ্ভুত একটা ছবি চোখের সামনে কদর্ভভাবে ফুটে ওঠে। যে যার চেয়ার সামলে রাখার জন্য যত রকম প্রক্রিয়া আছে কাজে লাগাচ্ছে। সাধারণ মানুষের কথা ভাবার দরকার নেই, আমার অস্তিত্ব টিকে থাক, এটাই বড় কথা। আজ সারা দেশে একটা ঘৃণ্য চক্রের জন্য মানুষের নাশিন্দ্রাস উঠে চলেছে। এ যেন এমনই 'অদ্ভুত আঁধার এক এসেছে এই পৃথিবীতে আজ।' জনসংখ্যা বৃদ্ধিতে আমাদের দেশ, ঠিক চীনের পরেই। ১৪০ কোটি সংখ্যাটা বাড়তে বাড়তে একটা আতঙ্কময় বিভীষিকার পথে এগিয়ে চলেছে। মানুষের সংখ্যা বাড়লে জনসংখ্যা ও খাদ্যের যোগানের ভারসাম্য নষ্ট হয়। অনিবার্যভাবেই খাদ্যাভাব, অপুষ্টি, দুর্ভিক্ষ মহামারী ইত্যাদি দেখা দেয়। দারিদ্রের কবলে পড়ে ছটফট করে মানুষ। চাকরির বাজার ভেঙে পড়ে, যাকে বলে মন্দার বাজার। বেকারের সংখ্যা বাড়ে, প্রতিযোগিতার রেবারেণি তীব্র হয়। মূল্যবোধে চিড় ধরে। সামাজিক অপরাধের মাত্রা বাড়ে। একটা আতঙ্কময় জীবন যাত্রা।

যে কোন উন্নয়নশীল দেশে অর্থনীতি ও জনসংখ্যা পরস্পরের হাত ধরায় চলবে। দুজনের সঙ্গে সখ্যতা দারণ, উৎপাদন ও বন্টন এই দুটোই অর্থনীতির প্রধান বিষয়। এই দুটোই জনসংখ্যাকে ভীষণভাবে প্রভাবিত করে। আজ জনসংখ্যা দুনিয়া জুড়ে মহাসমস্যা সৃষ্টি করেছে। বিশেষ করে উন্নয়নশীল দেশগুলোতে এই সমস্যা আরও বেশি। উন্নতশীল দেশের সমস্যা সেখানে তুলনায় অনেক কম। ভারতের পরিস্থিতি আরো অগ্নিগর্ভ। বর্তমানে ১৪০ কোটি অতিক্রম করে গেছে বোধহয়! এই হারে জনবৃদ্ধি চলতে থাকলে ভারতের অর্থনীতি বিধ্বস্ত হবে। ভারতের ঐতিহ্য সংস্কৃতির উপর নেমে আসবে অভিশাপ। জনবৃদ্ধি হওয়ায় মাথাপিছু জমির পরিমাণ ক্রমশ কম যাবে। বায়ুতে অক্সিজেন কমছে আর কার্বন ডাই অক্সাইডের পরিমাণ বাড়ছে। জনসংখ্যা বৃদ্ধির ফলে অরণ্য ধ্বংস হচ্ছে, অক্সিজেনের পরিমাণ হ্রাস পাচ্ছে, নানা রোগে জনজীবন আক্রান্ত হচ্ছে, আর স্বাস্থ্যের অবনতি ঘটছে। আর কালবিলম্ব না করে জনসংখ্যা বৃদ্ধি রোধ করার জন্য জাতি ধর্ম নির্বিশেষে সরকারি নিয়ন্ত্রণ কঠোরভাবে প্রয়োজন। নয়া দৃষ্টিকোণ থেকে বাস্তবমুখী নয়া অর্থনীতির রূপায়ন। রূপায়ন না করলে দেশকে দাসত্ব স্বীকার করতে হবে অন্যের কাছে।

ঠাকুর জমিদারের হাতে অত্যাচারিত হয়েছেন কাঙাল হরিনাথ



নির্মাল বিশ্বাস

গত সপ্তাহের পর...

১২৯০ থেকে ১৩০০ বঙ্গাব্দের মধ্যে তিনি কাঙাল ফিকির চাঁদ ফিকিরের গীতাবলী নামে ১৬ খণ্ডে বাউল সঙ্গীত প্রকাশ করেন। কাঙাল হরিনাথ শুধুই গানই নয়, গদ্য ও পদ্য রচনাও পারদর্শী ছিলেন। যেমন, সাহিত্যিক চর্চায় হরিনাথের শিষ্যদের মধ্যে অক্ষয়কুমার মৈত্রেয়, দীনেন্দ্রনাথ রায় এবং জলধর সেন পরে অবশ্য বিশেষ খ্যাতি অর্জন করেন।

কাঙাল হরিনাথের সৃষ্টি গ্রন্থ সংখ্যায় মোট ১৮টি। এর মধ্যে কয়েকটি উল্লেখযোগ্য গ্রন্থ রয়েছে। সেগুলি হলো— বিজয় বসন্ত (১৮৫৯), চারু চরিত (১৮৩৬), কবিতা কৌমুদী (১৮৬৬), বিজয়া (১৮৬৯), কবিকল্প (১৮৭০), অক্লুর সংবাদ (১৮৭৩), সাবিত্রী (নাটিকা) (১৮৭৪), চিত্ত চপলা (১৮৭৮), কাঙালের ব্রহ্মও বেদ (১৮৮৭-৯৫১৮), মাতৃ মহিমা (১৮৯৬) ইত্যাদি গ্রন্থ।

সে সময় প্রতিটি এলাকায় স্থানীয় জমিদারদের সঙ্গে কৃষকদের সম্পর্ক কেবল অর্থ আদায়ের সম্পর্ক। সূত্রাৎ অন্যান্য স্থানের জমিদারদের মতো নতুন জমিদাররাও কৃষকদের কাছ থেকে খাজনা ছাড়াও যাবতীয় বিভিন্ন খাতে অর্থ আদায় করতে থাকেন। এই আদায় বে-আইনি হলেও এর বিরুদ্ধে কৃষকেরা প্রথম থেকেই তীব্র প্রতিবাদ জানাতে থাকেন। জমিদাররা এসব কাজ উপেক্ষা করতে থাকেন। প্রজা শোষক ঠাকুর জমিদারদের প্রকৃত চিত্রটি পাওয়া যায় 'গ্রামবার্তা প্রকাশিকা'-র সং এবং সাহসী সম্পাদক কাঙাল হরিনাথ মজুমদার-এর ডাইরীর পাতায়। কাঙাল হরিনাথের ডাইরীর সে অংশ এখানে তুলে ধরা হলো,—

'দ্বারিকানাথ ঠাকুর সহজ লোক ছিলেন না। বিরাহিমপুরের জমিদারী হস্তগত হইল। তাঁহার তেরো হাজার টাকা রাজকর দান করিয়া এক্ষণে লক্ষ লক্ষ টাকার উপরেও লাভবান হইয়াছেন। তখাচ প্রজাগণের ইচ্ছা ক্রমেই বলবতী হইতেছে। দ্বারিকানাথ ঠাকুরের পরে তাঁহার জ্যেষ্ঠপুত্র বাবু দেবেন্দ্রনাথ ঠাকুর জমিদারীতে কর্তৃত্ব করিতে লাগিলেন। — প্রজাগণ অত্যাচারিত হইয়া আত্নাদ করিতে লাগিলেন।

দেবেন্দ্রনাথ যে পর্যন্ত মহর্ষি নাম গ্রহণ করেন নাই, সে পর্যন্ত প্রজাগণ তাঁহাকে দুঃখ নিবেদন করিয়া কিছু কিছু ফল পাইয়াছে; কিন্তু তিনি মহর্ষি নাম পরিগ্রহ করিলে, তাঁহার প্রজার হাযকার তাঁহার কর্তব্যে প্রবেশ করিতে অবসর পায় নাই। ধর্মমন্দিরে ধর্মালোচনা আর বাহিরে আসিয়া মনুষ্য শরীরে নিরাপরাধে পাদুকা প্রহার, এই কথা আর গোপন করিতে পারি না। মহর্ষি অবসর গ্রহণ করিলে, যাঁহারা জমিদারী শাসনের ভার পাইলেন, তাঁহারা যতোধিক ইংরাজিতে সুশিক্ষিত, ততোধিক কুট কৌশল বুদ্ধির অর্থাৎ ইংরাজ পোলিশির কৃতদাস। সুতরাং ব্রহ্মপরায়ণতা, ধার্মিকতা ও দেশ-হিতৈষিতার চিরস্বরূপ গীতি-কবিতা রচনা করিয়া বহিরে যতই কেন সাধুতা প্রদর্শন না করুন— অন্যায়, শোষণ ও তজ্জন্য অত্যাচারে প্রজার শরীরে আর রক্ত থাকিল না, পূর্বে চীৎকার করিত, এক্ষণে ক্ষীণ স্বরে হাযকার করিয়া বক্ষস্থল কেবল সিক্ত করিতে লাগিল। এদিকে জমিদার অট্টালিকা কোথাও বিলাস সুখের হাস্যরধ্বনিত ও কোথাও ব্রহ্মধর্মের শ্রুতি স্তোত্রপাঠ ধ্বনিত হইল।'

এভাবেই ঠাকুর জমিদারদের স্বরূপ উন্মোচনের বিষয়গুলি খুব স্বাভাবিকভাবেই সব সময়ের ঠাকুর জমিদাররা এবং পরবর্তীতে কবিগুরু রবীন্দ্রনাথ ঠাকুরও ভালো মনে নিতে পারেননি। সব সময়ে ঠাকুর—জমিদারদের তরফ থেকে কাঙাল হরিনাথের ধাণনাশের চেষ্টা হয় একাধিকবার।

এর আগে প্রথম দেবেন্দ্রনাথ হরিনাথকে আর্থিক প্রলোভনে বশীভূত

করার প্রভূত চেষ্টা করেন। বিশ্বস্ত লোক পাঠিয়ে জানিয়ে দেন, ঠাকুর পরিবারের সপক্ষে গ্রামবার্তা পত্রিকায় লিখলে— তাঁকে যে কোনও এস্টেটের মালিক করে দেওয়া হবে এবং পত্রিকা প্রকাশের যাবতীয় খরচ-খরচা তিনি নিয়মিত পাবেন।

আপসহীন কাঙাল হরিনাথ এই প্রলোভনে কখনই প্রলুদ্ধ হননি। ফলে তখন বাধ্য হয়ে ঠাকুর জমিদার— তিতু মিঞা, ঋতু মিঞাদের মতো একটি দলকে পাঠানো হলো হরিনাথকে উপযুক্ত শিক্ষা দেবার জন্য। এতে কোনও কাজ হল না। তারপর পাঠানো হলো পাঞ্জাবী গুণ্ডাবাহিনীকে। সবচেয়ে মজার ঘটনা হলো, ঠাকুর জমিদারদের পাঠানো লেঠেলদের হাত থেকে কাঙাল হরিনাথকে বাঁচাতে সক্রিয় ভূমিকা নিয়েছিলেন লালন ফকির স্বয়ং।

এহেন পরিস্থিতিতে লালন তাঁর দলবল নিয়ে এমন কী লালনও নিজে লাঠি হাতে সেই লাঠিয়ালের দলকে উপযুক্ত শিক্ষা দিয়ে দিলেন। সেদিন সুহৃদ কৃষক বন্ধুরা হরিনাথকে রক্ষা করেছিলেন। আজও বাউলগান রচয়িতা ও সুরকার বলেই নয়, একজন সং ও নির্ভীক সাংবাদিক হিসেবে তিনি আজও অমর হয়ে আছেন।

শিক্ষিকাদের শাসনোত্তর অভিযোগ

প্রথমপাতার পর...

করায় এদিন আমাকে মারতে এসেছিলেন। আমরা প্রতিবাদ করি।

ঘটনার সমালোচনা করেছে বিজেপি। বনগাঁ পৌরসভার বিজেপি কাউন্সিলর দেবদাস মন্ডল বলেন, 'ওই তৃণমূলের কাউন্সিলারে স্বামীকে শিক্ষক বলতে লজ্জা হয়। ওকে ঘাড় ধরে স্কুল থেকে বার করে দেওয়া উচিত।'

স্কুল শিক্ষা দপ্তরের পক্ষ থেকে জানানো হয়েছে, এদিনের ঘটনার অভিযোগ তারা পেয়েছেন। বিষয়টি খতিয়ে দেখা হচ্ছে।



গাইঘাটা পঞ্চায়েত সমিতি

বাউডাঙ্গা গ্রাম পঞ্চায়েত *তথ্য সূত্র পশ্চিমবঙ্গ রাজ্য নির্বাচন কমিশন

মোট আসন ২১টি। তৃণমূল- ২০টি। সিপিআইএম ১টি

Table with 6 columns: জয়ী প্রার্থীর নাম, দল, প্রাপ্ত ভোট, নিকটতম প্রতিদ্বন্দ্বি, দল, প্রাপ্ত ভোট. Lists candidates and results for Gaidighata Panchayat.

ইছাপুর-২ গ্রাম পঞ্চায়েত

মোট আসন ৩০টি। তৃণমূল- ১৫টি। বিজেপি ১৪টি। সিপিআইএম ১টি

Table with 6 columns: জয়ী প্রার্থীর নাম, দল, প্রাপ্ত ভোট, নিকটতম প্রতিদ্বন্দ্বি, দল, প্রাপ্ত ভোট. Lists candidates and results for Issapur-2 Panchayat.

ধর্মপুর-২ গ্রাম পঞ্চায়েত

মোট আসন ২১টি। তৃণমূল- ১২টি। বিজেপি ৮টি। নির্দল ১টি

Table with 6 columns: জয়ী প্রার্থীর নাম, দল, প্রাপ্ত ভোট, নিকটতম প্রতিদ্বন্দ্বি, দল, প্রাপ্ত ভোট. Lists candidates and results for Dharmapur-2 Panchayat.

